



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. 5. Quid in desponsationibus operentur conditiones, tacitæ, ac speciales?

[urn:nbn:de:hbz:466:1-73058](#)

extrinsecus non ex testamento (sive voluntate testatoris) venientes, id est, quae tacite inesse videntur, non faciunt legata conditionalia. L. Aliquando 107. ff. de conditionibus, & demonstrationibus. L. Hec verba Testatoris ff. de legat. 1. ibi, hec verba Testatoris: si hereditatem adicerit, subjectum legatum, vel fideicommissum, non faciunt conditionale. Ex quo colliges, conditiones, quae tacite insunt, etiam expressas, sed eo modo, quo insunt, nihil plus operari, quam si non exprimantur: L. si ita legatum. 65. ff. de legat. 1. ibi: aliud est enim juris, si quid tacite continetur; aliud si verbis exprimatur. L. 68. ff. de conditionibus, & demonstrationibus: si autem exprimantur in dispositione, sed alio modo, ac insunt, scilicet censeant potius apposita ex voluntate disponentis, sive extrinsecus, secus dicendum est ex L. si legatum. ff. de adimend. legat. apud Barbo. cit. in regul. juris. 50. in 6. num. 10. nam in 1. casu, ubi a disponente non exprimuntur, aut exprimuntur eo modo, quo insunt, dispositio non pendet, nisi a veritate conditionis, in secundo autem, a voluntate exprimitur, & consensum suum conferentis, in eventum futurum. Et ideo in 1. casu dispositionem, aut contractum non reddunt propriam conditionalem, secus in secundo.

Exemplum conditionis tacite, alter, ac inest, expressa, habetur in legato alicui relictio, sub expressa conditione: si volet; quae conditio alioquin in omni contractu subintellexit, consequenter generalis. Nam in dato casu conditionis ibi expressa legarum conditionale est, juxta L. si ita legatum. 77. §. Illi si volet, ff. de legat. 1. ibi: conditionale est legatum; haec enim conditio, in legato expressa sensum facit: si legatarius declaraverit, se velle, ut tenet communis DD. in cit. L. & Abbas in c. significasti, de Elect. n. 6. Covar. 4. decret. p. 2. c. 6. §. 2. num. 4. & alii. Eo ideo legatum illud evadit propriam conditionale, ac suspendit, dum legatarius sua voluntatis declarationem faciat. Unde fit, ut prius decedens, legatum non transmitat ad hæredes, juxta cit. §. Illi, si volet, cuius tamen oppositum foret, e conditione minimè expressa, ut dicitur in L.

Cum Pater 77. ff. de legat. 2. ubi habetur, etiam ignorantibus emolumentum ex testamento queri; & cit. L. si ita ibi; quamvis

alii, quod sine adjectione (si volet) legatum est, ad hæredem legatarii transmittatur. Hinc licet omnia, quæ testamentis adscribuntur sine die, vel conditione (nimur suspensiva, vel tacita, sed expressa alio modo, quam insit) ex die hæreditatis aditae praesertim, ut aperte dicitur L. omnia 32. ff. de legat. 2. secus tamen est, ubi conditio etiam tacita, verbis alio modo, quam insit, exprimitur, ut dictum est. Tunc enim ante conditionis eventum non debentur legata, nec præstantur, ut ait Gloss. in cit. L. 32. Lit. E.

Dubitari etiam potest, an hæc con. 774. ditio (si DEUS voluerit, vel si DEO placuerit) sit generalis? consequenter, an desponsatio, sub ejusmodi conditione celebrata, sit conditionalis, an pura? si enim pura est, parit impedimentum justitiae publicæ; secus, si conditionalis; juxta dicta supra. Conditionaliter esse docent Gloss. in c. Unic de sponsal. in 6; Hostiens. in c. Ad audientiam, eod. & alii: puram vero Gloss. in c. Beatus 21. q. 2. V. divina; Archidiac. in cit. c. Unic. Rosella V. matrimonium. 5. num. 1. Pet. de Soto lect. 3. de matrimonio §. Quartò denique, & alii; sed Pater Sanchez. lib. 5. b. 1. num. 10. rectius distinguit, & ait, desponsationem in eo casu esse puram, si conditio intelligitur, de divina voluntate beneplaciti, conditionaliter, si de voluntate approbationis, seu signi. Voluntas prima est, quæ DEUS omnia quæ sunt, vel vult, vel permittit. & sic omnino est conditio generalis, consequenter non suspensiva, juxta num. 772. voluntas vero altera, nimur approbationis, & signi est, cum prudenter (de consilio bonorum, & oratione) colligimus talēm actum placere DEO, non displicere; & si sic apponatur, est suspensiva, dum de voluntate signi constet.

§. 5.

*Quid in desponsationibus operentur
conditiones, tacitas, ac speciales?*

Questio est de illis conditionibus, 775. quæ sunt intrinsecæ adeo, ut earum defectus vitiet desponsationem; quales sunt reciprocus consensus, defectus impedimenti dirimenti. De his igitur universaliter tenendum, per ejusmodi conditiones dispo-

dispositionem, vel contractum, etiam conjugalem, non reddi conditionatum. Nam earum natura talis est, ut ipsis sufficientibus subsistat dispositio, vel contractus; & deficit ipsis deficientibus. Quare, cum desponsationibus semper insit hæc tacita conditio, si es habilis, nullæ erunt, ubi deficit habilitas; pura autem, ac validæ, si secundus. Similiter, cum collationi beneficiorum semper insit hæc tacita conditio: si es idoneus, subsistente conditione, collatio pura erit; nulla, deficiente. Ceterum si talis conditio tacita exprimatur alio modo, quam insit: v. g. consero tibi beneficium, si idoneus inveniaris; desponso te, si Ecclesia approbaverit; & collatio, & desponsatio conditionata erit; quia tunc conditio aliter expressa, quam insit, evadit suspensiva juxta num. 772.

776. Si dicas: hæc conditio (*si non ad sit impedimentum dirimens*) non suspendit desponsationem; ergo nec ista: *si Ecclesia approbaverit*; patet Conseq. quia dicere: *si Ecclesia approbaverit* perinde est, ac, *si non ad sit impedimentum*. Resp. dato ant. N. conseq. ad prob. Resp. eas duas conditions non esse omnino idem; nam secunda potest habere hunc sensum: *si sacerdoti inquisitione premisa repertum fuerit*, hanc desponsationem ab Ecclesia probari, & sic clarum est, non esse eundem hujus, ac illius sensum; ceterum, si constaret, quod apponens eam conditionem non intendere it alium sensum, quam hunc: *si non sit lex Ecclesiastica probibens*, vel annulans; concedi potest, quod non suspendat: at hoc non præsumitur, sed probandum est; quia prior illorum verborum sensus est magis usualis. Deinde licet forent identicæ, si tamen aliter, quam insit, exprimantur, jam non erit idem effectus juris taciti, & expressi, ut constat ex n. 772. nam quando naturâ, vel lege ineſt, spe-
catur *veritas*; quando voluntate apponens, *intenſio*. Illud hic etiam notandum, quod excommunicatione in Clem. Unic. de Consang. lata in scientia contrahentes matrimonium cum consanguinea, non tangat eum, qui scienter contrahit cum consanguinea sub hac conditione: *si non es consanguinea*. Cum enim ea constitutio non puniat nisi *affectum* (*effectum* enim punire non potest, cum in tali matrimonio,

ut pote jure invalido, nullus sit) quem ostendunt taliter contrahentes pürè; in praesenti casu locum habere non potest; quia hoc ipso, quod sub ea conditione contrahant, talem affectum non ostendunt.

§. 6.

Quid in desponsationibus operetur conditio contraria substantiae actus, cui adjicitur.

Responsio est, vitiare talem actum, 777, per ejusmodi conditionem. Prob. 1. ex c. fin. b. t. ibi: *si conditiones contra substantiam conjugii inserviantur*, matrimonialis contractus, quantumcumque sit favorabilis, caret effectu. 2. ex c. foli. 32. q. 2. ubi ad questionem: *an Conjuges sint, qui causa foliis incontinentia subimet invicem copulantur?* respondetur affirmativè, si habeant sequentes conditiones: 1. si usque ad mortem alterius eorum id inter eos placuerit; 2. modò prolis generationem non vitaverint, vel nolendo sibi nasci filios, vel etiam opere, alioquin malo impediendo, ubiadur: *si vel utrumq[ue], vel unum eorum, defit, non inveniri, quomodo nuptiæ (nimirum validæ) appellari possint*. Et ratio est, quia ubi deficit aliquid, quod pertinet ad substantiam actus, nihil fit; ubi autem actus apponitur conditio, contraria substantiae actus, deficit aliquid, quod pertinet ad substantiam actus. Nam conditio, contraria substantiae actus, est, quæ repugnat vel alicui constitutivo actus, vel termino connexionis necessariæ, quam cum illa habet actus. V. hujus confirmationem infra n. 887.

Notandum autem responsionem pro- 778 cedere de qualibet conditione contraria substantiae actus, cui adjicitur. Nam oratio indefinita canonis, vel legis regulam tridentis, equipollent universali, ut tradit gloss. c. Ut circa, de Elect. in b. & specialiter Co-varruias lib. 1. Variarum c. 13. num. 8. cuius ratio est, quia cum lex in omnes dirigatur, ejus virtus in omnes derivatur non tantum ratione materiæ, sed etiam ratione mentis legislatoris, qui omnibus legem dare intendit: sed oratio, seu constitutio, quæ dicit, quod conditio contraria substantiae actus, eum vitiet, est indefinita; ergo; nec obstat, quod aliquando à lege universali rece-